

孫真人千金方衍義卷二十四

長洲張璐路玉著

南沙席世臣郢客校

解毒雜治方

凡八類

解食毒第一

論一首

方三十九首

論曰凡人跋涉山川不諳水土人畜飲啖誤中於毒
素不知方多遭其斃豈非枉橫耶然而大聖久設其
法以救活之正爲貪生嗜樂忽而不學一朝逢遇便
自甘心竟不識其所以今述神農黃帝解毒方法好
事者可少畱意焉



治諸食中毒方

飲黃龍湯及犀角汁無不治飲馬尿亦良

衍義

黃龍湯者坑廁中人尿汁也恣飲以酒助之須臾

毒隨瀉去大渴不可飲水飲水則毒不得解而難

救矣 毒勢方張則以犀角磨汁飲之抱朴子云

犀食百艸之毒衆木之棘而能解毒者以其力能

勝毒也 馬尿辟穢殺蟲則毒從穢泄

治飲食中毒煩滿方

以苦參三兩咬咀以酒二升半煮取一升頓服

取叶愈



衍義

苦參苦寒降泄故能解毒毒盛於裏者頓服取吐則煩滿隨吐而解

治食百物中毒方

掘廁傍地深一尺以水滿坑中取廁籌七枚燒令烟以投坑中乃取水汁飲四五升卽愈急者不可得但掘地著水卽取飲之

又方

服生韭汁數升

又方

含貝子一枚須臾吐食物瘥

衍義

毒盛於內而發熱氣逆者廁傍掘地攪水飲之其

毒卽解較之地漿最捷 生韭汁散血解毒

噉貝子聚涎沫含嚙以引食物上涌在上者因

越之也

治食六畜肉中毒方

各取六畜乾屎爲末水服佳 若自死六畜肉

毒水服黃蘗末方寸七須臾復與服佳

又方

燒小豆一升爲末服方寸七神良

又方

水服竈底黃土方寸七

初義

借其所遺之穢以逐所中之毒須臾發熱則以黃

蘘之若寒泄之與前用苦參同意 小豆燒末取

搜腎風 竈土水服取安土藏而攝毒邪也

治食生牛肉中毒方

掘地深三尺取下土三升以水五升煮土五六

沸取上浮清者飲一升立愈

治食牛肉中毒方

狼牙燒灰水服方寸七良

一作猪牙

又方

金匱要略卷十四
溫湯服猪脂良

又方

水煮甘艸汁飲之

衍義牛屬坤土肉最堅韌嘗見饑夫不待其熟乘生柔

脆便食而致脹滿發熱但令掘地取土煮飲以安

坤土土爲萬物之母萬物所歸無所復傳其毒自

已若中瘟瘧牛毒則以狼牙燒服以本經專主

邪氣熱氣也猪脂滑腸溫湯助泄則毒隨下解

甘艸煮飲總解諸毒

治食牛馬肉中毒方



飲人乳汁良

治食馬肉血洞下欲死方

豉

二百粒

杏仁

二十枚

右二味咬咀蒸五升米下飯熟搗之再服令盡

又方

飲蘆根汁卽解

治生食馬肝毒殺人方

牡鼠屎

二十七枚兩頭尖者是

以水研飲之不瘥更作

治食野菜馬肝肉諸脯肉毒方

取頭垢如棗核大吞之起死人

又方

燒狗屎灰水和絞取汁飲之立愈

又方

燒猪骨爲末水服方寸匕

治食百獸肝中毒方

頓服猪脂一斤佳亦治陳肉毒

衍義

人乳通利腸胃推而廣之牛乳醍醐未嘗不通利

解毒也 豉解熱毒杏仁泄氣熬黑則因勢利道

陷胸丸中法也 蘆根汁清利腸胃不但治食肉

發熱并解河豚魚鱉諸毒 鼠屎專解陷入陰分



之毒

頭垢專嘔逆滿膈上之毒

燒狗屎灰

解下焦脹閉之毒

燒猪骨灰專解中脘不納

毒

猪脂頓服可使大便通而毒得下泄矣

治食狗肉不消心中堅或腹脹口乾大渴心急

熱狂言妄語或洞下方

杏仁一升合皮研以沸湯三升枯絞取汁分三

服狗肉完片皆出卽安良驗

治食猪肉中毒方

燒猪屎爲末水服方寸匕犬屎亦佳

治漏脯毒方

張文仲云茅室諸水造脯爲漏脯

搗韭汁服之良大豆汁亦得

治鬱肉濕肺毒方

張文仲云肉閉在密器中經宿者爲濕肺

燒狗屎爲末水服方寸七凡生肉熟肉皆不用
深藏密蓋不泄氣皆殺人又肉汁在器中密蓋
氣不泄者亦殺人

治脯在黍米中毒方

陳麴一兩鹽二撮以水一升煮服之良

衍義

杏仁辛散下氣以毒攻毒和皮研絞服之熱滿喘

脹自除 食猪肉中傷則以猪屎燒灰治之若食

狗肉中傷合以狗屎燒灰治之中鬱肉毒亦不出



此 漏脯鬱肉皆能致病漏脯毒傷在血故用生
韭搗汁 鬱肉熱傷於胃故用狗屎燒灰
米中蘊毒陳麴煮服以消之借鹽之酖引之平通
治牛肝諸脯毒及餅臙中毒方

取貝子爲末水服如豆佳不瘥更服

人以雉肉作餅臙因食吐下治方

以犀角爲末服方寸匕得安甚良

治食鵝鴨肉成病胸滿面赤不下食者方

服秫米泔良

衍義

貝子消堅故餅臙中堅勒毒物悉能消之 犀角



總解腸胃諸毒故取治雉臙毒 秫米泔消鴨肉

過傷以其能逐胃中留積痰垢也

治食魚中毒方

煮橘皮停極冷飲之立驗

用後云治食魚中毒面腫煩亂者

治食魚中毒面腫煩亂及食鱸魚中毒欲死者方

剉蘆根春取汁多飲良并治蟹毒亦可取蘆葦

葦汁飲之

治食魚鱠及生肉在胸膈中不化吐之不出便成

癥瘕方

厚朴 三兩

人黃 二兩



右二味以水二升煮取一升頓服之

治食魚鱸不消方

大黃三兩

朴硝二兩

右二味以酒二升煮取一升頓服之

仲景有橘皮一兩肘後方

云治食肉遇冷不消必成癥下之方亦無橘皮

又方

春馬鞭艸飲汁一升卽消生薑亦良

肘後方云亦宜服諸

吐藥

又方

鮐魚皮燒灰水服無完皮以壞刀裝取之

一名鮫魚



南京中医药大学图书馆藏

千金方卷之三
皮古今錄驗治
食鯪魚傷毒

又方

魚皮燒灰水服方寸匕

又方

魚鱗燒灰水服方寸匕食諸鮑魚中毒亦用之

治食蟹中毒方

冬瓜汁服二升冬瓜亦可食

衍義

諸魚皆助濕生痰令人熱中故以橘皮煎湯停冷
服之使不上逆嘔吐 蘆根出自水中常通魚鱉
之氣且通利腸胃故專除魚鱉之毒 厚朴大黃



破滯滌邪 大黃朴硝蕩練瘀積 馬鞭艸功專

散血 鮫魚皮專解魚毒 魚皮灰可消魚積

魚鱗灰利水消血 冬瓜汁利大小腸壓丹石毒

而中蟹毒亦取用之使從二腸解利毒便除矣

治食諸菜中毒方

甘艸

貝齒

胡粉 等分

右三味治下篩水服方寸匕小兒尿乳汁其服二
升亦好

治食樹蕈中毒方

人尿汁服一升良

治食諸菌中毒方

掘地作坑以水沃中攪令濁澄清飲之

名地漿

衍義

菜中之毒從蛇虺來以貝齒善治鬼疰蟲毒胡粉

能治伏尸毒螫甘艸統治臟腑寒熱邪氣

葶毒

用人尿汁者取其穢惡以除濕上浮長之毒也

用地漿者與解野葛毒義不殊也

解百藥毒第二

論一首 方十二首 解毒品味二十八條

論曰甘艸解百藥毒如湯沃雪有同神妙有人中烏

頭巴豆毒甘艸入腹即定中藜蘆毒葱湯下咽便愈

中野葛毒土漿飲訖即止如此之事其驗如反掌要



使人皆知之然人皆不肯學誠可嘆息方稱大豆汁
解百藥毒余每試之大懸絕不及甘艸又能加之爲
甘豆湯其驗尤奇有人服玉壺丸治嘔不能已百藥
與之不止藍汁入口卽定如此之事皆須知之此成
規更不須試練也解毒方中條例極多若不指出一
二學者不可卒知餘方例爾

衍義甘艸解百藥毒入口則毒隨津湧而中烏頭巴豆

毒者尤宜以其甘緩專化毒烈之暴也 葱湯解

藜毒以其專通上下陽氣不使陰毒濁惡侵犯眞
陽也 土漿解野葛毒毒屬之邪無不從土而發